

# Eletar yay yo Pool ahič me bugaa Fílip

## Waf waw wabaj me n'eletar yauye

Pool ni bújaorol búutten baa burokol nailene jangu yay yaa Fílip. Esúh yay yaa Fílip uyu n'galam Geres dó ni mof mamu maa Masedonia.

Eletar yay yo Pool ahič me ejangaraay bugaa Fílip egitengiten gajogor gagu galin mee gaamme tutor ačila Pool ni fuomunor ejangaraay. Pool namamanj akan go n'gufanj ebaj sembe. Bare nemme ni fipeh nam, ájuut ailo mala bugaa Fílip, ban yo ekanolkan sílam fañ. Nalobil mala músum mamu mo násum me ni bugo. Naagil pøp náholle molil. Maagen mamu, bugan guce gubaje gaþinor gaarat n'evare yay yo guvareeil me Yésu (Fílip 1.15-17 ; 2.21 ; 3.2, 18). Pool naþinore eboñ gupalol bugo gugum me burok gujow bi Fílip bi eramben ejangaraay bugaa bo, ni effas pøp wabaj bo me (Fílip 2.19-30). Bugo fumumil guboñuloboñ waf bi éji Pool (Fílip 4.10-20). N'eletar yauye nasalilsal, nataril ban nasenil buaken ni gáinen gagu go gubaj me.

Pool nakakan bugaa Fílip min gujuh **buronj babu ni eçet yay sal Ataw Yésu** (Fílip 2.6-11). Yésu nahabohat wo nabajen me pée. Yauyu eçil me Aláemit natebenol áni fatiya waf waw pë. Mo may Pool ahalene maaro mamu mo bulagool baa no bisenenol me (Fílip 3.3-10).

Maer naruhene min álam mala Yésu Kirista. Umu ni fipeh, ban nailoilo gailo gal esen buronjol. Nafiume búoh þan ailoul funah fice ni ga et me. Mo may, naage bugaa Fílip gulagen buronjol (Fílip 3.17 ; 4.9).

Pool nagitengiten n'eletarol pooyo ** sumay yay yo g inen gagu gujallol me.** Nasesen bugaa Fílip buaken bal eron ni g inen. Es umay yauyu uyu to n'etut gabajut sembe ni m ata ie, eno me ejangaraay gubaje gajogor tutoril ban n'gubaj go þop ni Ataw Y su.

### *Basaf babu baa Pool bugo ni T imonte*

<sup>1</sup> Inj  Pool ni T imonte jaamme uroka bugaa Y su Kirista, w oli jihi eulul maa, buru bugan Al em it ja in me ni mof mamu maa F ilip. W oli jihi eul bi ni buru j inen me ni Y su Kirista, bi ni ufan jangu yay r , bi þop ni garambeneil me. <sup>2</sup> Mbi Payolal Al em it ni Ataw Y su Kirista g usonienul ban ni gusenul g asumay !

### *Pool o n'elaw bi ni ejangaraay bugaa F ilip*

<sup>3</sup> Nisalesal Al em it ahu o nimigelete me n anonan no ni inore molul. <sup>4</sup> N anonan no niom ni galaw molul buru þooul, nilaelaw n' sumay r , <sup>5</sup> d  pe mala min j irambeneom me ni burok babu baa gavare Firim fafu F asum me, k abirin funah f tiar bi maer. <sup>6</sup> Nifiume gaa búoh Al em it, ainnulo me ni buru burok baubu b ari mee re me, þan ajow ni bo ak at jen funah fafu fo Y su Kirista ajae me  bba ul. <sup>7</sup> W ariari min ibaj mee gap inor ti gaugu bi ni buru pe. Maagen mamu buru ubugu n anonan ni biinumom, mata

buru ƿooul jiyayab fugabul ni gáji gaugu go Aláemit asenom me, jama no niom maa ni fipeh, hani may no, no niilo me liŋ tir mala Firim fafu Fásum me. <sup>8</sup> Aláemit naffase búoh maagen nilobe ínje baager níbboliulboli buru ƿooul ti Yésu Kirista ábboliolal me.

<sup>9</sup> Waf waw wo nilaw me Aláemit molul uwe : nilae min funah-ó-funah gábboli gagu golul gufaŋ n'gújaloe, min mbi jiffas joon waamme maagen ; nilae ƿop min mb'asenul malillo <sup>10</sup> min mbi júju jućob nánoran wájahor me ; mamu, ƿan jíni bugan gakure, ban ñer an mát'áju alob maarat aya ni buru funah fafu fo Kirista ajae me ébbañul. <sup>11</sup> Yésu Kirista ƿan aćilul min buroŋul bimmenj maćole, dó ƿe min mbi bájalo Aláemit bujugi ni buru, ban bugan bugagu ni gumalenol.

*Bu ekul yay yaa Pool eramben me gavare Firim fafu Fásum me*

<sup>12</sup> Gutiom, nimaŋe jiffas búoh wabajom me wo ućile til min Firim fafu Fásum me fufaŋ n'fujae fáčil. <sup>13</sup> Maagen mamu, upoyaaw ƿe bugaa gávi gagu ni bugagu ƿe guffase búoh burok mala Kirista bo bićile min gukulom. <sup>14</sup> Ban ƿop gammeŋe ni gutiolal ni Yésu Kirista fipeh fafu fúmbam fićile gafiumil n'Ataw n'gufaŋ n'gubaje sembe, bireg n'gufaŋ n'gubaje gakaňen gagu gal egiten Firim fafu fal Aláemit m'babajut gáholi gánogan.

<sup>15</sup> Maagen guce ni bugo ésilaet múmbam ećilil min nihi guvare mala Kirista ni biinum dó baa gárig ; bare guceil, bugo, ni biinum bakure gukane mo. <sup>16</sup> Gavaree me ni biinum bakure

gábboli guçilil n'gukan mo, mata guffase búoh Aláemit asenom burok babu bal eilo mala Firim fafu Fásüm me. <sup>17</sup> Bugagu let maagen mitege min guvare mala Kirista, bare gukanmokan ni biinum ró baa búfañor ; n'gapinoril, ti niom maa ni fipeh, gukan mo me, þan gukan sílamom min sifaj n'síjaloe.

<sup>18</sup> Bare mónan, gukan mo ni biinum bakure-ó, bakurut-ó, ubugu n'egiten Kirista, ban nísumaete mala yo. Þan ífaró n'ésumaet yauyu, <sup>19</sup> mata niffase búoh waf waw þe þan úuñen ni gapagom, ni bakaner bal ulaw waw wolul, ni þop ni garamben gagu go Biinum Yésu Kirista buñallom me. <sup>20</sup> Waf waw wo nimañ me ubaj ban nifium ni wo nár, wo uomme jamb'ibaj ñusu ni wáfowaf. Nifiume fañ gaa búoh maer ñer bi nánonan, ni buroñom ter n'eçelom, bájalo babu baa Kirista þan buraj n'enilom. <sup>21</sup> Maagen mamu, n'íje, buroñ babu bo buomme Kirista, eçet yay, yo, fubaj fom. <sup>22</sup> Bare iroñ me itajen, þan íju irok fañ to burok babu bo niomme ni bo. Wa þian nijae eçob ? Iffasut. <sup>23</sup> Waf úuba uom n'eñagor ñáruom : nimañe fañ ekay ík'íni tiñ tanur ni Kirista, yo sah efañ me fúf gáari ; <sup>24</sup> bare ni buru, éniom ni buroñ itajen efañe ebaj hámma ; <sup>25</sup> yo ejannoomjanno. Niffase búoh þan iroñ itajen, ban þan íni tiñ tanur ni buru þe min irambenul n'jutos jitajen n'gáinen gagu golul, ban n'júsumaet dó ni go. <sup>26</sup> Mamu ñer, ebbañulom bi ni buru þan eçilul min jifañ n'jimalene Yésu Kirista múmbam.

*Bútaj babu min mbi Firim fafu Fásüm me fujow*

*fáçil*

<sup>27</sup> Mánoman níe, ínje umu n'elaul juroŋ buronj bájahore ni wo Firim fafu Fásum me faa Kirista fulob me ; mamu, íjoul ter ijoulat bi ejugul, niun gulob molul guoh jujojoh liŋ ni biinum banur, jitith n'gailo ganur bi mala gáinen gagu ni Firim fafu Fásum me. <sup>28</sup> Jambi jihat hani jattiito ulatorul min gúhollenul : dó þan ní me bi ni bugo bigitenum baa búoh bugo ubugu n'ejow ni bulago babu baa ganemo. Buru, dó þan ní me bi ni buru bigitenum babu baa búoh buru ubugu n'ejow ni bulago babu baa gapah gagu. Ban dáuru þe búkanum bom bal Aláemit. <sup>29</sup> Maagen mamu, mala Kirista, Aláemit nasenulsen let gáji gagu gal éinen ni o Kirista bare, bare þop gal élam mola. <sup>30</sup> Maer ñer buru ni ínje nugumalgum bútaj babu banur babu. Bútaj baubu bo jujugom mee no íni n'etaj, ban bi funah faa jama bo niroŋ maa n'etaj, ti juune yo me.

## 2

### *Ealenoro yay yaa Kirista ni bájalool*

<sup>1</sup> Ban ñer iorenul : Gajogorul go jujogor me ni Kirista gusenulsen buaken ? Gamanjol gusaforeulsafor ? Gajogorul go jujogor me ni Biinum Banabe ganur gom ? Gamanjor ni ñarumor enil usu n'etulul ? <sup>2</sup> Yoo. Kan jibaj biinum banur, júbbolior gábbolior gagu ganur gagu, jibaj gaþinor ganur, mamu ésumayom þan efanj gájalo. <sup>3</sup> Jambi jikan wáfowaf ni biinum dó baa búfanjor, jambi jiliþ gasal garakel ; bare

til jialenoro iki jujoh bugagu ti nihi gufañul me.  
<sup>4</sup> Jambi an ni buru ajes maarool nevommo, bare til mb'ánoan aþinor maa gupalol. <sup>5</sup> Juroŋ buron banur babu ti bo Yésu Kirista aroŋ me naanan.  
<sup>6</sup> Aâila o gániol guþi me n'gúni ganur ni gal Aláemit,  
ajogut ni gáni gaugu gare mee ni gal Aláemit ;  
<sup>7</sup> bare til naalenoroe o faþaoł,  
no nañar me gáni gal amigel  
min abugi ti arafuhow ;  
no nañar me enil yal arafuhow aban,  
<sup>8</sup> naalenoro ni gákanum dó Payol  
ak'açet eçet yal ekurua.  
<sup>9</sup> Yo eçil me may Aláemit natebenol afaŋ waf waw þe,  
aban nasenol gajow gagu gafaŋ me ujow waw þe,  
<sup>10</sup> mamu, min mbi nánonan no gajow gagu gaa Yésu guvogi,  
bugan bugagu þe n'guya gújul  
n'émit-ó, n'ettam-ó, síndena ettam-ó,  
<sup>11</sup> min mbi þop butum bánoban bulob fatiya buoh :  
« Yésu Kirista aamme Ataw ahu ! »  
Dó þe bi mala gasal Aláemit Paaya.

### *Ení sijaya bi ni bugaa mof*

<sup>12</sup> Gutiom bugo níbboli me nár, ti nihi júttunom me nánonan no niomen to me ni buru, maer ñer no nilet to maa ni buru faŋ me ebaj hámma min jifaŋ éttunom. Kan jurok ni gáholi n'etelenor dó min mbi gaþah gagu golul gujugi. <sup>13</sup> Jibaj buaken mata Aláemit aam ni burok ñáruul bi ekanul, let min nihi jimaŋ

jikan waf waaro bare, bare ƿop min nihi júju  
jikan wo jáhor ni bakićerol.

<sup>14</sup> Jikan waf waw ƿe m'bámumunorut ni may m'baceñorut. <sup>15</sup> Mamu, ƿan jíni bugan bugo an mát'áju alob maarat aya ni bugo, bugan gakure, uñil bugal Aláemit gabajut maarat hani jatiito n'etut ukana-galego gaamme bugan bugagu gaçolut me bugaa buroñ be. Juote jijañ n'etulil ti suut nihi sijan me n'émit <sup>16</sup> n'ejoh yay liñ Firim fafu faa buroñ. Jikan mo me, ƿan íju ísumaet molul funah fafu no Kirista ajae me ébbañul ; maagen mamu, yo ƿan egiten me búoh burok babu ƿe bo nikau me ni ƿop buyoh babu ƿe bo niyoh ró me, let bamotonj.

<sup>17</sup> Leti gáinenul gúnini ti bísimen, min jisenoro me ƿeeƿe Aláemit ? Yoo. Mamu may ñer, íni me físimom ƿan fúyui ti bulogos batajeni ni bísimen bo gáinenul gusene Aláemit, ƿan ísumaet mala yo manur ni buru ƿooul. <sup>18</sup> Manur mamu may, buru júsumaet, júsumaet manur n'ínje !

### *Tímonte ni Epáfurodit*

<sup>19</sup> Nifiume búoh Ataw Yésu mati ƿio narambenom min íju iboñulul Tímonte, min mbi wo najaue me elobom molul o báolerul ufan ekanom niaken. <sup>20</sup> Maagen mamu, bajut ace ábulie ni o abaje gaƿinor ganur ni gúmbam, ban nah'aƿinor ti maagen mala buroñul. <sup>21</sup> Bugagu ƿe mala maaroil bare nihi gulip, bare let mala Yésu Kirista. <sup>22</sup> Buru fañaul jiffase bu Tímonte asen me fuhoor ƿoofo, bu narok me n'ínje ti añil ni ƿayol mala Firim fafu Fásum me. <sup>23</sup> Nínene búoh ƿan íju iboñulul o no nijae me ejuh ɣanno

ni gáni gauge go niom maa ni go. <sup>24</sup> Nifiume fañ n'Ataw gaa búoh mati pio min ínje fanjaom may ikelul bujuh.

<sup>25</sup> Nijuge may búoh fanje jáari min ibbañenulul mee atiolal Epáfurodit, alagorom ni burok ni þop ni bútaj, açila o juboñulo me min ajarulom garamben gagu go nisohola me. <sup>26</sup> Nasommene fanj ebbañ ajugul buru þooul, ban may gorolgor nár min affas me búoh juune gásomulol.

<sup>27</sup> Maagen mamu násomutene butum eçet, bare Aláemit narumol enil ; ban let o bare narume enil, bare ínje may, jambi sílamom sifañ n'síjaloe. <sup>28</sup> Yauyu eçil me nifañ esommen ebbañenulul o, min mbi jibbañ júsumaet no jijae me ejugol, min þop gaþinorom gúkasulo. <sup>29</sup> Kan ñer mbi jiyabol n'ésumay ró yámah ni gajow gal Ataw. Juote jigiten gábboliul bugan bugagu gáni me ti açila ! <sup>30</sup> Najaene ak'amañ eçet mala burok babu baa Kirista : nakan to súñunduol bi erambenom garamben gagu go buru fañaul jújuut me jirambenom.

### 3

*Bu an aat me akan min áni an açole bújojor  
Aláemit*

<sup>1</sup> Gutiom, maer ñer ban itajenul girim gauge : Júsumaet mala gajogorul go jujogor me n'Ataw. Kanutom wáfowaf min ibbañ ilobul waf waw wo nihiçenul me iban, ban mo fañ gáari bi ni buru. <sup>2</sup> Júludo bugan bugagu gakane me majonut, sujoba sausu, galigene me gatey búhut galet gaa maagen ! <sup>3</sup> Ni maagen mamu wolal jamalene me Aláemit ni garamben gaa Biinum

babu bola, núsangorumal ni Yésu Kirista, wolal uteyal me búhut babu baa maagen, let bugo. Ubajutal gáhagum gánogan ni waf wal enil arafuhow. <sup>4</sup> Iní me enil, maagen ínje fañaoom níjuene íhagum ni yo. Baj me an aþinor búoh enil nájue áhagum ni yo, an ahumu affas búoh ínje nifanjol éju éhagum ni yo. <sup>5</sup> No nibaj me gunah futoh ni gúfaji, n'gúrurom búhut. Injé an ala Israel, ni filf fafu faa Baisomen nibugi. Ti ubugaom, ínje Asúif átut. Nijojoh gúboñ gagu guñen gúuba bireg ninogen n'gayon gagu gal Epárisie yay. <sup>6</sup> Nísupensup ni fúpariseet faufu bireg nílamen Jangu yay fañ. Ulobal me mala buron baçole ti gúboñ gagu gulob yo me, an mát'áju ategom sulob ni wáfowaf.

<sup>7</sup> Bare waf waw þe wo nijogen me ti nafa yúmbam, maer nijohwojoh ti gábbur, mala Kirista. <sup>8</sup> Maagen mamu, waf wánowan nijohwojoh maer ti gábur bújonor wauwe wafan me gájalo, waamme gaffas gagu go niffas me Yésu Kirista aamme Ataom. Açila açil me nibelen wáfowaf wabajene nafa n'ínje. Waf wauwu þe nijohwojoh ti waf wal ebelen n'élun, min mb'ibaj gásumay ni Kirista, <sup>9</sup> min mb'ibaj gajogor gaa maagen n'acila.

Maer ibbañut ijogoro an açole maa min ikane me ti gúboñ gagu gulob yo me. Ni gáinen gagu gúmbam ni Kirista níomum me an açole. Aláemit akane me an naçol, ban gáinen me bare bugo nah'akan bugan gaçole. <sup>10</sup> Waf waw wo nimaj me bare, wo uomme min iffas Kirista, ni sembe sasu sailenulol me n'eçet yay, ban nibaj þop fugabom ni sílamol. Ey, þan íni nan açila

ni eêcelol, <sup>11</sup> min mb'íju may, íni júe kano, iiloul n'eçet yay inogen ni buronj.

*Etey yay eñajerut*

<sup>12</sup> Iegut nifaene içih to nitee me bi to, ter nifaene ikan an árije. Bare ínje umu min iakene nitey tima níju iyab bacam babu baçil me min Kirista ajarom. <sup>13</sup> Gutiom, iegut niyabe bacam babu iban, bare waf waw wo niomme n'ekan, wo uomme uwe : ban íjumor waf waw waamme búsolom, min iaken nitey bi ni waamme gayonjom. <sup>14</sup> Injé ume min iakene níni n'etey mbaa to, tima niyab bacam babu bo Aláemit avogolal me bi eyab bo fatiya, dó ñe mala gajogor gagu go nujogoral me ni Yésu Kirista.

<sup>15</sup> Wolal ñe bugo gáinenolal gúriñ me nuotale ubajal gañinor gaugu ganur gagu. Iní me jibaj to gañinor gace gábulie, Aláemit ñan ápajulul go ñanno ca. <sup>16</sup> Kan min kane, ufaal dó ni bulago babu báari me dó nuomal maa jama n'ejow.

<sup>17</sup> Gutiom, buru ñe jilihòr n'ínje. Wóli jisenulsen bigitenum : jinjar gúçilul jibet ni bugan bugagu bugo buroñil bunnam me ni bigitenum baubu. <sup>18</sup> Nilobenul yo iban ñammenje, ban mul ibbañ ilobul yo maer n'ukoñ ró : baje bugan gammeñe garoñe nan ulatora gom bugal ekurua yay yaa Kirista. <sup>19</sup> Bugan bugaubugi ñan gubil gullim, mata gar gagu golil guomme álaemilil, ban waf waw waaten me ukaniñ ñusu gujohwojoh ti gasal golil, mbiban nihi guñinor maa waa mof maume bare. <sup>20</sup> Bare wolal bugan bugaa Jávi jaju jaa fatiya nuomal, yo eçil me

nuomal n'enah ni sommen ró min aþagenaolal aamme Ataw Yésu Kirista ájoul. <sup>21</sup> No najaе me eðigul, þan ábahen sinilolal saruneni mee, min akan so síni ti enil yay yola yammaej mee gasal. Maagen mamu, nabaje sembe sasu sal érur waf waw þe ni gáju gagu gola.

## 4

### *Esúmaet n'Ataw*

<sup>1</sup> Gutiom bugo níbboli me, nisommene fañ min ibbañ ijugul. Buru juomme ésumayom, buru juomme élandinjom yal ateba-ebej ! Gupalom bugo níbboli me, juote ñer jútuh liñ n'Ataw.

<sup>2</sup> Aw Evodi buru ni Sentiç, waf waw wo nijae me elaul, wo uomme jikan min gajamor gubaj n'etulul, mata buru gúuba bugan bugal Ataw jom. <sup>3</sup> Ban aw fumumi þop aamme apalom aroka ala maagen, nilai min uramben waareaw ubugi gaamme gúuba. Guiloilo mala Firimfafu Fásum me n'ínje ró, manur ni Kilemaj ni gupalom þe bugaa burok, bugo ujail uhiçî me n'élebur yay yaa buron babu.

<sup>4</sup> Júsumaet nánoran mala min juomme bugan bugal Ataw. Ibbañ ilob yo : Júsumaet ! <sup>5</sup> Jikan min bugan bugagu þe gujuh gajeba biinumul. Ataw nalofulolof : <sup>6</sup> jambi jiçagor wáfowaf ! Mánoman nie, jigiten Aláemit wo jogul me ni wo, ni galaw ni efotenor ; jikan mo n'esalenol dó. <sup>7</sup> Mamu, gásumay gagu gal Aláemit, go gafan me mujah mánoman, þan guban síçigirul ni uinumul ni gajogor gagu go jujogor me ni Yésu Kirista.

<sup>8</sup> Min ñer iban, gutiom, gaþinorul mbi gubbañenul mbaa wáfowaf waa maagen, wáfowaf wo núh'úliien an, wáfowaf waçole, wáfowaf wanabe, wáfowaf wo an mb'ajuh namañ, wáfowaf wo an mát'áju aceñ, wáfowaf waþiloe eyab gasal. <sup>9</sup> Wo niligenul me, wo jiyab me n'íne, wo juun me ni wo jujuh me n'íne, jikan wo. Jikan mo me, Aláemit asene me gásumay þan áni ni buru !

*Pool o n'esal bugaa Fílip mala garamben gagu go gurambenol me*

<sup>10</sup> Nibaje ésumay yámah n'Ataw Yésu mala min jibbañ me jiþinor múmbam. Gaþinor gaugu guþiene ni buru, bare buru jibajenut bulago babu bal egiten go. <sup>11</sup> Let gabajutom waf guçile min ilob yo : niþulene eroñ buroñ bánoban. <sup>12</sup> Níjue eroñ buroñ bal an aleleh, ti may níju me eroñ buroñ baa fupoñ. Mánoman níe, níjue ikakanor : niþulene etiñ ik'ipoñ, niþulene éni ni bieb ; niþunne éni ni fupoñ, niþunne þop ecaret. <sup>13</sup> Níjuju ikan wáfowaf ni búkanum babu baa Kirista aseneom me sembe. <sup>14</sup> Bare jikakan joon min jirambenom maa ni sílamom.

<sup>15</sup> Buru fañaul bugaa Fílip jiffase búoh, no Firimfafu Fásúm me fufui me evare, ínje n'éþur mof mamu maa Masedonia bajut jangu ece yarambenom ni waf íni let yolul. <sup>16</sup> Buru bareul jikan yo : hani no niomen me Tesalonik, juboñulom bo ñono ñáuba wájahor me min ijár wo niroñ.

<sup>17</sup> Let yaa búoh nimamañ bugan bugagu gújiom waf uce ; bare wo niþese me, wo uomme

mbi Aláemit akan garamben gaugu golul ni gapin. <sup>18</sup> Kábiriŋ no Epáfurodit asenom me wo jíjiulom me, ínje umu ni fupoñ ; isoholaut þan wáfowaf. Gáji gaugu gúnini n'ínje ti gatiŋ gásume gaa bíteŋen bakani bi n'Aláemit, ban ni búsumol. <sup>19</sup> Jiffas búoh Aláemilom þan arjar fubajol fammenj mee gasal, min ásenumulul ni Yésu Kirista wo jusohola me þe. <sup>20</sup> Gasal gúni ni Payolal Aláemit bi nánonan ! Amen.

*Basaf búsolə*

<sup>21</sup> Jisaf bugan bugagu þe gáinen me ni Yésu Kirista. Gutiolal gaamme tale n'ínje gusaful þop. <sup>22</sup> Bugan bugagu þe bugal Aláemit gusaful, fáŋum bugagu gaamme m'burok ni yanj ávi ahu ámah ahu Sesar. <sup>23</sup> Gáji Ataw Yésu Kirista gúni ni buru þe !

**Firim fafu fal Aláemit  
Bandial: Firim fafu fal Aláemit Bible**

copyright © 2015 Wycliffe Bible Translators, Inc.

Language: Bandial

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

2256a388-b3d0-5a86-9a2f-8ea0a837d026